



止觀大意一卷

天台釋湛然 因貞外李華欽知止 觀大意略綱要

緒

略述教觀門戶大槩今家教門以龍樹為始祖慧文但列內觀視聽而已洎乎南岳天台復因法華三昧發陀羅尼開括義門觀法周備消釋諸經皆以至重至解十義融通觀法乃用五科方便十乘軌行言五重者一切經前五義五釋名通義異以總冠別謂釋名出體明宗辨用判教自法華前諸教未合五重皆屬來至法華者等俱妙廣如玄文十卷委釋言十義者一先明道理寂絕亡離不可思議於一寂理不分而分離諸諦謂四諦七二諦五三諦等若開若合權實道理泯然可見二能詮教門綱格契時包括秘蘊謂漸頓不定秘密藏通別圓得此八意一代普教化道可知三經論矛盾言義相乖不可以情通不可以博解古來執諍連代不休今用四悉檀意無滯不融技撥自在四者巧破執著普用諸句破能著心如所破惑單復具足無言窮遂五結正法門對當行任便依教修有方便依行蓋有階老賢聖不濫免增上慢六隨以一句縱橫無礙而論緒次第施然成章七開章科段鈎鎖相承決疏文勢生起冠帶八帖釋經文須義順理當九翻譯方言今名義不棄十一句下理觀消通觀經合印心成行非教他實若法華須曉了推實迹方可立行此經獨得稱妙方可依此以立觀意言五方便及十乘軌行者即圓頓止觀合依法華圓頓止觀即法華三昧之異名耳若欲修此圓頓三昧具圓十乘方便每法文雖略譬喻品全車謝足然止觀十卷大分為二初之二卷略釋綱紀後之八卷廣明行相初略明中又開為五謂發圓心修圓行感圓果起八教歸三德初發圓心在第四卷謂約四弘四諦六即以簡偏圓發心之相四弘是能發之誓四諦是所依之境六即是所歷之位誓若無境名為狂願境不辨位凡聖不分言依境發誓謂眾生無邊虛度依誓諸境煩惱無數

止觀大意 二卷 緒  
 普嚴斷依集諸境法門無盡若願知依道諸境佛道無上誓願成依滅諸境淨樂經中四諦開為四重故使初誓亦有四卷今簡偏從圓以此圓四願融前三願無非法界起於妙願初心為攝觀或法界偏習佛法三身等證已發圓心未知圓心為初心長為後心是為初即後為初其後若初非後是若初心異後俱非圓融故辨六即而判是非謂即即名字即觀行即相似即分真即究竟即即故初後俱是六故初後不濫理同故即事異故六凡諸經中有即名者如生死即涅槃之流皆以六位觀之使始終理同而初後無遺之修圓行等四文並在第二卷中初圓行者謂四種三昧遍攝眾行若無勝行勝果難階一常坐出文殊明文殊說般若經亦名一行三昧唯直念法界故也以九十日為一期二常行出般舟三昧經亦名佛立三昧成時見十方佛在空亦以九十日為一期三半行半坐出法華方等二經法華三七日為一期方等不限時節即非行非坐亦名隨自意意起即觀故也方法出諸觀首等諸大乘經通於四儀及諸作務公私志違亦可修也是四三昧行異理同是故同用十乘之法三感圓果者由諸行故得入圓位近在初住名無生忍遠期妙覺名寂滅忍初住功能具如華嚴初住文即其相也豈可違次自謂證具乃至妙覺廣如經說四起八教者既入位已八相成道現十界身能隨順物機用三藏等四及漸等四五時利物一代始終五歸三德者機身已宜歸三德三德者何謂秘密藏故涅槃云安立諸子秘密藏中我亦不久自住其中次第三卷去廣釋行相開演前五令易行故謂釋止觀名辨止觀體明體攝法判法備圓此四並在第三卷中文為正修作前方便並在第四卷中謂二十五法認為五科初具五緣一衣食具足離希求緣故二持戒清淨離惡道故三閉居靜處離情鬧事故四具諸學務并搜雜業故五須善知識有證疑地故文中各有事理二具三詞五欲謂色聲香味觸正報依報各具此五並能生於行者須欲心故故須呵滅文中自有事理三詞三并五



止觀大意

六

唐

勉不為所動得入凡名為似位若專住似位名為法愛于離法愛者已得相似六根互用已破兩惑永無墜憂此似位名為頂攝不同小乘退為五逆以外凡位諸教別故若修離愛進入銅輪名為十住分身百界一多相即身主既爾已他亦然十身利生四攝物初住功德具如華嚴賢首品廣明此上從第五卷初盡第七卷末明正修行始從初心終至初住從第八卷去明觀陰後更發宿習用觀觀習若用上求十種觀法未得入位發宿習謂煩惱病患業相魔事並在第八卷中禪境在第九卷中見境在第十卷中餘有上慢兩教菩薩時過夏終故略不說以前諸文可知故宿習若起不可不識先若知之亦其變怪如此諸境發又不定隨過去世若近若熟此世現前文中一往且從次第凡有所起但以寂照而止觀之今等法界一相無相無不皆用上乘觀法初言煩惱發者謂無智已來積集重感今因用觀此或過常不可控制言病患者由觀陰感激動四大識其元由宜用何治或內觀力或術或醫然後用觀言業相者有漏之業或已受報不復更發或未受報於靜心中忽然俱發發相雖多不出蔽度各有六相或因止生或因觀生言魔事者由觀諸境或雖未破天魔猶恐出境空其宮殿化其民屬與我戰諍故民主皆來即四魔中天子魔也乃至人間憍慢衣文時媚等鬼魔屬天魔為其巡邏防邊行者不許出界故大品云菩薩不說魔者名菩薩佛陀羅次禪發者謂根本四禪特勝通明九想背捨乃至念佛神通等禪隨近熟者而發其相相最難知矣諸見者乃至百四十九見上慢者既伏見已謂為深誦誦上位是故須識次二乘者昔發小志由茲習生次菩薩者三藏通別三菩薩心由習而現如上諸境並須觀力而調伏之並在本文不可具涉故一家觀法入道次第稍異諸說以附諸經成行相故則內順觀道外扶教門依而修行必不空過縱此生未獲為種亦懼意氣博達該括包籠盡未來際不復改轍若依之修行感須口訣方成一家行相湛然所見暗短稟承無功本文三

止觀大意

第七

唐

百餘紙略此多有不同雖俛仰以赴嚴命齊然矣大師深旨諸有不逮敢望通恕云耳

止觀大意

止觀大意

校勘記

一 底本，金藏廣勝寺本。此文南、徑、清皆有眉科，甚難校對，故以清藏本為別本，附於卷後，並校以南、徑。